


Su Coro Sant'Anna festat 20 annos: cuntzertu ispetziale in Tortolì cun Grazia Di Michele



Una serata de mùsica, sentimentos bellesa in su Parcu de sa Crèsia de Santu Lussùrgiu: sàbadu su 5 de argiolas, a is 11.15, su Coro Sant'anna tzèlebrat is bint'annos de vida cun unu cuntzertu chi at a bìdere sa partetzipatzione istraordinària de sa cantautora Grazia Di Michele.

Unu traguardu importante pro una realidade musicale chi, dae binti annos, àimat su panorama culturale ogiastrinu cun passione e impinnu. Su cuntzertu, patrotzinadu dae su Comunu de Tortolì, at a èssere dirìgidu dae su Direttore Artìsticu Gianpiero Incollu, chi at a acumpangiare s'ensemble fintzas a su pianoforte e a

s'ukulele.

A arricchire s'esibizione ddoe at a èssere fintzas Carol Mello, mùsicu brasiliana de grandu sensibildade, a sa chiterra e percussiones. S'atopu intre sa tradizione corale locale e sa mùsica de autore italiana promitet un'esperientzia ùnica pro su pùbliku, chi at a pòdere assistire a unu cuntzertu capatzu de unire generatziones e istiles diferentes in su sinnu de su cumpartzimentu e de s'arte.

«Est unu momentu importante pro nois – at declaradu su direttore Incollu –. Binti annos de mùsica significant memòria, crèschida, acàpios. Cun custu cuntzertu bolimus ringratiare chie nos at sighidu, sustentadu e cantadu cun nois in custos annos».

S'intrada est libera e s'eventu at a èssere unu de is prus aspetados de s'istade tortoliesa. Un'occasione pro torrare a iscobèrrere su valore de sa coralidadade e tzelebrare sa mùsica comente forma de espressione colletiva e inclusiva.